



WIEN IST VIELFALT. MA 17

Magistratsko odjeljenje 17 – Pitanja integracije i diverziteta (MA 17)

MA 17 je u okviru bečke gradske uprave nadležno za mjere i projekte koji podstiču ravnopravnost i jednakost šansi za doseljenice i doseljenike. Ovo odjeljenje nastoji i da međusobni odnosi svih stanovnika Beča budu što bolji.

Pored subvencioniranja kurseva njemačkog jezika i mjera diverziteta MA 17 podržava i projekte koji se bave savjetovanjem, potporom i osposobljavanjem migrantica i migranata, jačanjem njihovog sudjelovanja u društvenom životu i podsticanjem interkulturalne senzibilnosti i kompetentnosti. Posebno težište rada odjeljenja je povezivanje i redovna komunikacija s organizacijama i udruženjima doseljenika.

Kontakt:

Telefon: (01) 4000-81510

Adresa: 1080 Beč, Friedrich-Schmidt-Platz 3

E-mail: post@ma17.wien.gv.at

Homepage: www.integration.wien.at

“Bečki obrazovni pasoš” (Wiener Bildungspass) koji je financiran sredstvima MA 17 predstavlja Vašeg pratioca prilikom zapošljavanja i obrazovanja u gradu.



Magistratsko odjeljenje 35 – Služba za doseljenike, državljanstvo, matični uredi (MA 35)

MA 35 je nadležno za useljavanje stranaca, sva pitanja oko austrijskog državljanstva i za bečke matične urede. Ovo odjeljenje Vam je partner u važnim oblastima života u Beču: od sklapanja braka, preko izdavanja rodnog lista za novorođenče, dodjeljivanja austrijskog državljanstva pa sve do izdavanja smrtnog lista.

Ukoliko imate pitanja u vezi s boravkom, obratite se Servisnom centru za klijente MA 35 gdje ćete dobiti kompetentan savjet i na maternjem jeziku.

Kontakt:

Telefon: (01) 4000-3535

Adresa: 1200 Beč, Dresdner Straße 93, Block C

E-mail: service@ma35.wien.gv.at

Homepage: www.wien.gv.at/verwaltung/personenwesen/

Od MA 35 ste već dobili takozvanu Mapu dobrodošlice u kojoj možete naći sve važne informacije i adrese ustanova, institucija i organizacija u gradu Beču.



Bečki fond za podsticanje profesionalnog usavršavanja zaposlenih (waff)

waff je ustanova grada Beča koja se bavi aktivnom politikom tržišta rada i nudi prvo savjetovanje o mogućnostima za zapošljavanje na Vašem maternjem jeziku. U okviru predavanja možete saznati sve o svojim pravima, obavezama i mogućnostima na tržištu rada.

Iscrpne informacije o mogućnostima za zapošljavanje i rad posebno koriste novim doseljenicima koji već imaju slobodan pristup tržištu rada kao i onima koji će tokom jedne godine vjerovatno dobiti pravo na slobodno zapošljavanje.

Predavanja se održavaju na albanskom, arapskom, bosanskom, hrvatskom, srpskom, bugarskom, kineskom, njemačkom, engleskom, poljskom, rumunskom, ruskom i turskom jeziku.

waff Vam uz to nudi i savjetovanje i finansijsku pomoć za daljnje profesionalno usavršavanje.

Obavijestite se prilikom prvog razgovora sa suradnicima MA 17 o slijedećim terminima na Vašem maternjem jeziku i učestvujte na nekom od predavanja! Ili zakažite lično termin kod nas:

Kontakt:

Servisni telefon: (01) 217 48-555

Adresa: waff Beratungszentrum für Beruf und Weiterbildung

1020 Beč, Nordbahnstraße 36/1. ulaz (Stiege)/ 3.kat (desno)

E-mail: bbe@waff.at

Homepage: www.waff.at

waff Vam i poslije prvog predavanja stoji na raspolaganju za savjetovanje i finansijsku potporu prilikom daljnjeg obrazovanja i profesionalnog usavršavanja.



Anerkennungs- und Weiterbildungsberatungsstelle

Savjetovanište za priznavanje svjedočanstava i daljnje obrazovanje

(Centar za utvrđivanje kompetencija)

Savjetovanište za migrante i migrantice

Ovdje se možete informirati o "pravilima igre" na austrijskom tržištu rada, o postojećim zanimanjima i zahtjevima za bavljenje njima, o razlikama između kvalifikacija koje su Vam potrebne u Vašoj domovini i ovdje, o mogućnostima za (daljnje) obrazovanje i vrstama finansijske potpore u toj oblasti i o priznavanju/nostifikaciji škola i kvalifikacija koje ste stekli u inozemstvu.

Nudi Vam se savjetovanje o zanimanjima, obrazovanju i daljnjem usavršavanju, kao i konkretna pomoć prilikom nalaženja odgovarajućih obrazovnih ponuda i tokom postupka priznavanja.

Savjetovanje se obavlja na njemačkom, bosanskom, hrvatskom, srpskom, kineskom, engleskom, francuskom, poljskom, portugalskom, ruskom, slovačkom, španjolskom i češkom.

Kontakt:

Telefon: (01) 58 58 019

Adresa: 1020 Beč, Nordbahnstraße 36/1. ulaz (Stiege)/ 3. kat (lijevo od lifta)

E-mail: kompetenzzentrum@migrant.at

Homepage: www.migrant.at



Zavod za zapošljavanje (AMS)

Zavod za zapošljavanje ili skraćeno AMS je vodeće austrijsko poduzeće za pružanje usluga na tržištu rada. Zavod posreduje radnu snagu za otvorena radna mjesta i pruža pomoć nezaposlenima i firmama. Nude se savjetovanje, informacije, mjere (pre)kvalifikacije i financijska potpora.

Čim steknete pravo na zapošljavanje i poželite naći radno mjesto trebate se prijaviti nadležnoj podružnici AMS (prema okrugu u kojem stanujete) kao osoba koja traži posao.

Kontakt:

Telefon: (01) 87871

Od ponedjeljka do četvrtka: 7.30 do 16 sati

Petkom: 7.30 do 15.30 sati

E-mail: ams.servicelinewien@ams.at

Homepage: www.ams.at/wien



Radnička komora za Beč - AK

Radnička komora za Beč (Arbeiterkammer Wien- AK) ima 800.000 članova u koje spadaju svi zaposleni službenici i radnici, kao i slobodne stalne suradnike. Komora pred državom zastupa profesionalne, ekonomske, društvene i kulturne interese svojih članova. Oni dobijaju besplatno savjetovanje i zastupanje u slučaju pravnih sporova u oblasti radnog i socijalnog prava, kao i u mnogim drugim oblastima. AK svojim obrazovnim čekom nudi i financijsku potporu za daljnje profesionalno usavršavanje. AK svoja savjetovišta ima u Ottakringu, Floridsdorfu i Liesingu i ujedno predstavlja i ured Savezne radničke komore koja je krovna organizacija 9 radničkih komora u saveznom pokrajinama.

Kontakt:

Telefon: (01) 50165-0

Homepage: www.wien.arbeiterkammer.at



Bečka privredna komora - WKO

Bečka privredna komora (Wirtschaftskammer Wien) je zakonsko predstavništvo 110.000 bečkih poduzetnika i poduzeća koje svojim članovima nudi brojne servisne usluge u svim značajnim tematskim oblastima: od savjetovanja kod osnivanja firme i pravnog savjetovanja o pitanjima socijalnog osiguranja pa do pomoći u stvaranju kontakata i umrežavanju. Privredna komora posjeduje i vlastite ustanove za obrazovanje i daljnje usavršavanje koje svake godine posjeti preko 70.000 samostalnih poduzetnika, zaposlenih i učenika u privredi, što Komoru čini i jednom od najvećih ustanova za obrazovanje u Austriji. Bečka privredna komora zato ne predstavlja kompetentnog sagovornika samo za poduzetnike i osnivače firmi, već i za sve one koje zanimaju najbrojnije i najsveobuhvatnije ponude za obrazovanje i daljnje usavršavanje u Austriji. Posjetite nas u internetu i informirajte se o servisnim uslugama koje nudimo.

Kontakt:

Telefon: (01) 514 50 1050

Homepage: www.gruenderservice.net

www.biwi.at

www.wifi.at